

М и н и б е л г

Долан джилин зуран түрүн джилд күч-көлснә күцмдж делдхин төлә делгрен социалистическ дөрлэнд мана совхозин коллектив орлцдж, өөдән даалгъвр авла. Би эврәннь коллективән дөнъндж, эн джилин эргцд саалин үкр болгънас 2500 литр үс саадж авх даалгъвр би бас авлав, зурам—2000 литр үсн.

Партин XXI хуртин тууджлгч шиидврмүд болн мана правительствин нань чигн шиидврмүд манд ик омг үүдәв. Күчн-чидлән арвлл уга кәдлдж, цуг килмджән асрджах малдан өгч, эв-аргъан олэлдж, орн-нуттин

нүүрлгч саальчнрин дамшлтас иш авч кәдлвв.

Нанд саалин 18 үкр даалгъгдсн бәәнә. Үкр болгъна занъг әдл биш. Зәрм үкр хот идүлджәгъәд саахла, үсән өгнә, зәрмнь хот өгл уга саахла, ик үс өгнә. Тер учрар, бийдән даалгъгдсн үкр болгънаннь занъгинь арднь ордж, шиндждж меддж авбв.

Алдр Октябрин 42 джилин өөнд нерәдсн социалистическ дөрлдәнд шундж орлцад, эн джилин 10 сарин эргцд бийдән даалгъсн саалин үкр болгънас 2576 литр саадж авад, цуг баг үкрмүдәсн ут-турштан 46374 литр үс саадж авад, Төрскн-

дән орулдж өгүв.

Кәдлмшиннь тер күцмджән Октябрин 42 джилин өөнд нерәдджәнә СССР-н Деед Советин III сессийн шиидврмүд күчн-чидлим немүлә төвкнүн бәәлгънә төлә шундж кәдләд, кәдлмшин агъу ик күцмдж делдлгънә эваргъ үүдәв. Тегәд укр-урдкасн улм омгшрдж, долан джилин зуран түрүн джилд бийдән даалгъгдсн саалин үкр болгънас 285 литр үс саадж авхар ода шундж нав.

О. МАНЖИКОВА,

Элст балгъсна, темснә совхозин саальч.